

讀白華草堂詩首蓓集

余於丁酉四月莅潮陽教諭事癸卯除授翰林待詔其
明年卑辰卸司鐸事至冬始去計數年中所謂教諭而
德成者實自疚而所得詩則依然盈篋飯軟茶甘無所
事事亦不能事事食糠而肥與食肉而鄙等因自刪存
數年所作爲一集名曰苜蓿謂猶愈於馮元淑之馬作
齋也道光二十又八年歲在戊申立夏前一日黃釗自
叙

讀白華草堂詩

苜蓿集總目

第一卷

丁酉

古今體詩四十首

第二卷

戊戌

古今體詩二十五首

第三卷

己亥

古今體詩七十一首

第四卷

庚子

古今體詩一百三首

第五卷

辛丑

古今體詩六十二首

第六卷

壬寅

古今體詩六十首

第七卷

癸卯

古今體詩一百一首

第八卷

甲辰

古今體詩七十六首

讀白華草堂詩

苜蓿集卷一

丁酉

鎮平 黃釗 穀生

懷人詩三十首

好古漢河間愛士齊竟陵
瓊廬設一榻延坐稱詩朋
雅集記西園有酒真如澗
石琴主人

蓬萊白鶴仙童顏葆風
采卿環後博物宴客設龍
臨十

萬青霞箋酒然傾墨海
葉鴻臚紹本

達道爲師儒樂志非卿相
伊人水一方淵深不可量
三

萬六千頃我舟在平望
張司鐸履

緼袍古所尚奇服勿常好高軒陋巷過落葉不可掃天

邊少微星如月夜防盜

潘布衣謔

月眼觀九州河口論千載醴醴愛士心養春復函海金

壺墨汁乾公當告具宰

程侍郎恩澤

矯矯青田鶴銜書來日下書詮天玉經乎文無識者洞

天一拳石毋乃赤虹化

端木舍人國瑞

昌黎毛穎傳老可堪解嘲五言詠翻藥一官解繫袍脩

脩竹萬竿愛此風雨梢

郭舍人儀霄

乞米未肯卑鬻書不妨鄙嗜古積成癡田園在圖史漢

時司農官江左儒林子

汪農部喜孫

生平自多師兄事惟彥輔直諒復多聞學道不迂腐文章世可奴志節我有主

潘解元德輿

中衢汲一勺藝舟駕雙檝下筆輒萬言飛動意良愜寥寥濁泉編猶可補文牒

包大令世臣

蕭然一寒士謀作京朝官日瀟龍井茶唯暇歐與韓詩花葺墻屋誰謂梅公酸

梅郎中曾亮

江亭主客圖重來斂龍樹文字有夙緣別久生愛慕羣

公大雅材須用黃金鑄

徐編修寶善家宮贊琮陳農部慶鏞戴水部綱孫徐虞部啓山

馬大令福安

碑版蔡中郎箋疏徐騎省玉堂著作才經田兼畫井吾

方事鐵畊築樓記嘗請馬農部沅

厨中足櫻筍門下富桃李兄弟自怡怡人物罕臧否呵

翁盛德人庭戶宜有此

溫農部肇江侍講葆醇

王郎斫地歌使我開抑塞兀兀盡千觥新除待蘭室花

時北海樽我亦爲座客

王吏部欽霖

淮海多豪英魯連天下士鉢池尙龍蟠槃坵已虎視自

來嶽寄人不交輕薄子

魯孝廉一同

孔侯天廟器文采尤璘彬柬之宰相才詎必爲詞臣齊

年韋與姚清時多鳳麟

孔比部繼錄韋桐部坦姚樞部錫桐

諫草自可焚詩草弗可薙楚產宜楚服申椒並蘭蕙雲

迷蒼梧野學炎沅虞帝

易農部集

爲道弗離經著論自成子隨侍有清娛亦足況遷史白
眼付黑甜漏膠有妙理

凌孝廉望

彩鸞自寫韻神羊不識字河間仙認生說文自考異陸
中有漢軼肯爲君子棄

苗明經學

龍門負奇尚學爲萬人敵終編之陪臣乃劍挂側室當
年杜季良虎氣何橫溢

江寧集

名滿大河南少作諸侯客奇逸不可當四顧疑偈窄燕
市昨酣歌爲我拓金戟

持孝廉湖南

鄴侯三萬籤家世文爲富心期青松高眉宇紫芝秀庭

中弟兄櫛盤丙公孫柚

葉編修名琛
上舍名禮

何家大小山探之同二酉平生所未見金玉此淵藪

觴自可沿問奇風載酒

何吉士紹基應簿紹業
孝廉紹祺上舍紹京

嶽嶽皆明伸有似包希仁京尹驚破柱都亭懾埋輪鳳

鳴天下曉一笑當回春

曾京尹望顏

一門兩豸冠論事皆觥觥所居驄馬里疏函夾書楹階

前指佞草芝蘭共叢生

家侍御樂之

霞襟自洒落風儀特俊爽天上雙寶書海中結珊網人

間有風月亦邀神仙賞

略編修秉璋

材爲宰相知策由

天子擢分曹筦金倉藏富期不涸

廣州聞騎羊揚州見騎鶴

莊農部必省

鄴侯抱仙骨邵子長道氣飲酒見天眞食肉忘世味老
生何足談小友敬當畏

羅編修惇衍

問我到潮陽冀我爲漢師詩語竟符讖神契理亦奇停
雲望海東天水浮無涯

高麗使臣趙斗淳上

季弟琴展歿已百日矣檢其遺詩始得哭之

期年未能歌

余長子玉之喪已逾年

三月復號哭

余於十一月抵里而於二月卒

嗟我家運蹇致君年壽促君病自因貧君貧我致酷殘
年我歸來君已形立鵠此時有參苓君命或可續看囊
檢藥錢傷哉不盈掬

父母昔愛憐君生本少子我獨課君嚴失學令長踰兄
弟當怡怡此意已非是當君漸長成亦已有妻子田園
雖分析輒復相料理胡然哀中落丙戌一場水飢來驅
我去君亦途窮矣

窮極始爲詩詩工窮益甚淒涼失路人跬步亦有禁路
鬼慙揶揄杯蛇疑謗譖所親不自明窮鳥匹毒鳩感感
南海頭口學飢烏矚哀哉虞仲翔蒼蠅來叩臨

北門古所歎歸來復交謫骨肉非越秦安忍視其瘠有

兄如陌路半世長作客此生約對床瀕死避易簣余客京

時有書約他日得一教官後可作蘇氏對床第於二月十八日病卒余已於二月初八日起省驗試矣知

君蓄深怨九原未能釋嗚呼順路人蹈此罪愆積

君本樸訥人見者謂愚魯中夜握管絃誰識兒心苦先

病癱余兄弟三人及余長子玉侍疾五夜輪直弟忽於

四更時吹笛余怪問之弟曰我等侍疾久恐母慈以我

等爲憊吾吹笛以見其不憊耳當時侍疾人我子尙童殺時玉兒甫

忽十年中骨肉半歸土予仲及予子予淚復如雨

聞呂小伊學博之訃寄輓

魚書緘去杳難追

余於六月初十寄一札於小伊而小伊已於初五日逝鵬賦傳

來怪可悲精舍已空環翠室

所居門榜環翠精舍墓門誰撰曲紅

碑

小伊曾署曲江教諭

當年燈檠蒙休共

謂佩仙

此日泉臺向秀隨

聞顏藥係亦於次日委化

身後簾金漫搜檢平生心事玉溪詩

九日登蓮花峯拜張魯菴墓

魯菴名與初宋末避地居此講易授徒文信國
嘗登此望帝舟魯菴蓋亦同時宋亡後屢辟不
起今其墓在焉墓北有祠祀信國以魯菴配顏
曰蓮峯書院

少年勒馬溟海東薊門碣石秋煙封平山頂上作重九

獨尋薇蕨追孤蹤

辛未隨吳鑒菴宗伯至永平試院在平山頂地爲孤竹故墟溟海在府南

一百六十里碣石峙立海旁九日登平山巔望首邇來

陽宗伯邀同幕諸君會飲山堂距今二十七年矣邇來

蓬轉作匏繫蕭然一畝栖儒宮蘭羞菊醞誰見餉海邦

佳節欣初逢海門山畔蓮花峰削成齒齶疑鬼工擎天

雙壁

此乃辨上鐫此四字

合體魄石英倒影搖青銅當年遺民此

築室幼安皂帽同高風橫琴目睹過雁白講易心識啼
鵬紅峯頭望帝血同盡運遘陽九丁其終儒生自砥匪
石節丞相獨抱填海衷爾時從遊二三子筮易得遯將
毋同我來肅拜想高躅士義豈復慙臣忠至今年代幾
陵谷不令墓碣埋蒿蓬眼前天水空復空登高弔古思
無窮厓門碣石近相望遼海一氣風雲通

賢母篇

安吳有賢者姓包名世臣乙未與我交諗其太孺人母
家姓查氏鍾愛如掌珍字母曰婉弟幼服佩蘭蓀母年

甫十七來歸郡學君積叔介先後時時患多言維母性
和順冷言處以溫詬諄不相及唇舌空齟齬夫子出訓
蒙携兒館白門兩女偕一姪幼稚依釵裙其年涇大飢
相聚食蕨根四口寄十指箕破斗復皸值年小除夕治
具無鱸葦適求針黹家遺牛肉二斤母以易豬肉少減
斤兩分隨例設香酒尊長俱欣欣維時看外家冷暖殊
富貧毛狗毛狼瘦豐美維毛麟毛狗毛狼毛麟皆包舅氏小名寒時莫
向燈窮時莫向親自從夫子歿兒氣稍稍振名高望尙
卑才肆學已醇震雷擊旱魃宰相朱文正公驚竒文賈生鄴
侯間期許逾等倫明公故相文毅公任叅贊蜀楚連賊氛強

幣捉入幕書信來西川舉家大驚悸惟母心獨寬字告
嘉禾兒汝父亦嘗云古時男子生門側弓箭懸義取射
四方爾今正當然死生自有命但我有所聞軍功多冒
濫愼毋貪進身臣也諸侯客幣聘來紛紛雖爲知己用
要爲知己伸再拜奉母命男兒怕受恩臣也得縣令時
惟乙未春假歸至白下母訓猶諄諄投牒未半載聞訃
遽星奔告哀至京師曰惟歲丙申其年復大比燕臺集
賢賓中州有賢者聲譽喧 帝闔姓蔣名湘南絕學探
皇墳象緯及麻律水利兼農田治經宗許鄭明法羞申
韓怪其學識賅從之叩淵源自云稟母教言之淚汝瀾

曰湘南二歲先君館已捐諸父有三人叔季猶未婚我母奉孀姑努力勤組紉指敗吮其血五鼓起執爨置湘南竈下手白羞盤餐湘南四五歲從母受魯論因之識字義勉之希聖賢湘南幼跳盪如馬不受羈仲父振滄公督課常笞鞭母乃無愠色令跪仲父前俟仲父怒解夫然後已焉有柴覲嶽者驅牛牧前村仲父奇此兒招之返東阡伴湘南讀書館之就西軒我母視覲嶽猶已子相憐一衣履餽餽均平悉無偏覲嶽登賢書其年值戊寅母乃大慰喜謂兒捷可聯詎料兒捷日母已歸重泉我母近四十百病紛糾纏天陰臂輒痛時復病拘攣

諸姑告湘南汝未知其全當王母病時汝母嘗籲天夜
分割臂肉和粥同熬煎王母啜竟愈臂痛由此患我母
例得旌貞孝世已傳母族姓王氏清門頗不單外王父
諱綱老猶守一璫二十歸先君先君時懋遷每當術窮
時我母共艱難子能作長歌當付青珉鏤吁嗟兩賢母
應歸彤史編繁余小子釗爲學積罪愆有母德未彰視
息殊覬顏我母年七歲體弱質復孱來爲童養媳忝饑
復忍寒事我嗣王母舉鼎炊粥饘稍長任井臼無暇弄
紡輒婦姑共一被絮敗甯有綿飢進姑口食寒擁姑背
眠我父客交趾礦案橫株連哀矜天子聖謂是皆良

民詔安置蘇州曰厥非黥髡維時音書斷傳聞異亡存
婦姑形影弔蓄淚惟暗吞久之始得耗夢寐徒悲辛姑
曰似續重余亟欲抱孫爾當舍我去無爲守晨昏衝濤
犯霜露蓬背輿夫肩厯年凡廿六厯路凡八千往返有八千里
羈吳育子女返粵贖田園我父夙尚義匪但友于敦我
母助之施芾樗連舊姻母性少喜愠母心息貪嗔宏農
外王父愛母字曰蓮性善心復慈於佛有因緣我母事
我父一生無反唇貧賤及患難相安弗尤怨我母教子
息懇懇復懇懇繫惟我母慈抑惟我母仁我母持躬儉
常餐惟韭芹雞子四五枚輒留待親鄰嗟予不孝釗慙

此苜蓿盤事親既末由焉用儒衣冠顧惟包與蔣時命
雖述邇名德已建立母教同昭宣我生獨何爲不能慰
九原泚筆紀賢母合傳寧無因

魯興巡撫滇南奉寄

開府佳公子 中朝御史丞傳家九華玉報國一條冰
風矩標儀尺星芒貫法繩 聖明恩遇厚端爲骨峻嶒
幾旬資屏蔽要荒待拊循去爲金馬使來祀碧鷄神節
鉞 三朝舊風煙六詔新酋蠻知何化繡斧及時巡

讀白華草堂詩

苜蓿集卷二

戊戌

鎮平 黃釗 穀生

李石梧學使與其配笙愉夫人聯吟初輯梓成見
寄奉題二首

環碧池亭竹樹涼梧笙新譜合官商定知此集行詩國
薰徧番禺心字香

辛勤貢玉復論珠抽暇聯吟對竹墟安得文宗師上座
海南綱到女珊瑚

仲春宣講駐和平鄉代令尹吳雲帆同年督開渠

之役卽事

杏耒榆鋤橫復縱海潮界處嶺雲濛社公權偶司靈雨
田父談仍帶古風川上縈萍慚宦跡隴邊環堵借儒宮
年來蓑笠全拋却又向溪頭作釣翁

和平開渠之役陳笠漁學博

作舟

以詩來頌賦此

奉答

縫掖章甫冠豈能躬耒耜賢侯戒星駕邀我看疆理水
從南山來田自東洋始歉收數百年彌望餘卅里汝民
患旱鹵維侯審原委漑汝東洋田引彼南山水川涂歷
橫縱耳目勞聽視蓄淡先堵鹹是在東溪矣東溪湏築

塭村農更懽喜經始正復難畛域分彼此侯口予何心
瘠魯以肥杞經費若不敷余且捐俸耳我將奉功令宣
講詔問吏本業重農義聖訓訖遠通鄰民賴司牧司
牧體天子興鋤也平氓負耒亦有士侯惟率作之我
但觀成爾方春在和平沿村見桃李月令篇篋中豳風
畫圖裏周視近原野隔別遠城市浹辰返學舍君詩置
我几薦敖芍陂歌朱邑桐鄉祀神明宰無慚我佛慙遭
殷笠漁來詩有誰把歸風圖續貧天功敢爭因人事堪
恥勉修治事齋或以報知己

縣齋一首呈雲帆同年

人靜虛堂午亦寒朝來新雨洗琅玕擎雷石似孤雲峭
距鶴榕如廣廈寬循吏心期兼作母腐儒膽識怕當官
跡猶自覺慙清慎堆案文書坐夜闌

濠浦陳烈婦詩

明經

蕭特

女文學

陳建

嫗歸夫九閏月卒年二十一

解

夫病卒氏絕粒甯追弗及甯追弗及微聞房中私語私
語盛切切焉姑察知固婉勸密防之三解母遣婢來有所
達氏搏去謂若歸告吾母明早來遲則無及詢以婢來
意不答時嘉慶己卯八月二十日四解日既夕扉早闔自
沐櫛更新牀著嫁日貼身衣衣白取腰絰結纓畢命牀

脊

五

解朝哭不起羣訝就窗隙窺見端坐牀側就呼之氣

已絕

六

解氏出蕭字莊娘歸於陳濠浦鄉仁婢如孝姑章

七

氏

解氏所天名永清登石山房讀書聲病乃寂然牆角尚

遺一短檠

八

東山道署卽事

水爭出竇頭頭道石讓磨厓面面開湧地樓船今井邑

形家

言潮陽縣治形如出峽船

倚天屏嶂古亭臺林泉觴詠師前事

曲水流

諸勝忠節文章友後來

張許廟有文信國沁園春詞石刻

道署延秋

無不可好將松栢徧山栽

七月朔尋夜夢一美婦至前欲有所訴叩之作吟

諷語數四醒後猶記其十字因足成之

情多失清淨夢少得歡娛秋水驚鴻影春風餽鶴圖
夢中誰貽蠲忿艸自種報恩珠老去私憐惜丹砂乞鮑
姑

龍眼詞八首

摘下居然是掌珠深黃衫裝玉肌膚水晶宮玉金枝葉
輕薄如何喚荔枝

磯畔相逢記日成最防多食荔枝行舟黃莫漫詆旁出
一八娘還是側生

青殼疊垂似蚌胎日明鑰動小園開承筐滿貯勻圓實

爲供魚籃大士來

五綵絲看密密纏修來善果證人天
難陀跋揭朱紅盒
結就今生妙喜緣

瓊漿一盃乞雲英瑤草相呼竝種耕
莫道看來多是肉
露啼煙笑不無情

蚤雨蠻煙界海居洞庭奴婢漫傳書
小名錄向河圖辨
比目生來不是魚

碧琉璃葉護重重石硤沉沉透貝宮
往日賈胡誇大腹
千金嘗徧海珠鼓

螭牆螻壁共田家金盞銀匙伴點茶
一任風乾兼日晒

不愁收盡老無花

余爲諸生時受知錢塘陳公舉京兆出富陽周公
門下申酉二年兩公相繼薨逝燕山閩海仰杖無
由會淚濡毫用誌哀感

吏部左侍郎陳荔峯師

夫子鸞鳳姿昂立俯千仞手筆推燕許聲華邁及儒文
學侍從臣遭際堯與舜牛李無怨恩干鑠有利鈍
坐閣十九年誰歟阻其進聖明知人哲豈爲耳目徇
文昌次八座階梯轉華近荷眷自疇昔引疾匪謙遜
前年我南歸不材自飲恨受恩報無日但祝腰脚健何

圖遠騎箕九天下鶴問郎君寶瑚璉器翔步木天峻龍
飛名國書鯉對體庭訓河汾威門下有子益酬願終焉
斯勲業未可委時運豐碑屹西湖青史待公論

按察使銜臺灣巡道周芸皋師

憶昔登賢書賞識荷國士函書上門牆碌碌概餘子夫
子出典郡我已返鄉里襄陽古名城卧閣未可理按部
行均陽小隊驅蛇豕清時無伏莽所策惟鞭箠村民獻
酒茶太守狎山水高陽池館成名士羅遠邇桃柳映角
巾敦槃間珠履襍飲百卅人古恐未有此至今峴山淚
如痛叔子死况我受恩知雪涕豈能已傳聞毘舍耶鏞

像肅拜跪夫子蜀文翁海外經術始當年靖狼烽轉餉
赴鹿耳嗚呼文武才執法乃爲李皇天用未竟何遽巫
陽使蒼涼素旄旋海暗悲濤起

程春海少司農輓詩

誰能鴻鵠羅謂得鳳皇髓

司農贈余十六字楹帖天外
鳳皇君真得髓雲中鴻鵠誰

則能

羅嗚呼公於我平生一知己公才大如海容此行潦水

甘爲曹邱生薦我至朱邱

司農爲惠郡王師傳惠邱求
書記於司農欲薦余往來札

云頃有美蔭可托如歸計可緩萬分之一則
弟當作曹邱生矣余辭以歸計已決乃止我因歸計

決却聘遂中止閒筵餞我行名卿

許青士常少師
耶春圃少司馬廁窮

士殷勤黃絹詞

司農填金縷曲詞一闕
題余鐵明樓兼送余歸

惜此佩玉繫我

歸司水鐸曾作山公啟黃鐘律未諧泗鼎岸先圯去冬附公

車致書司農有奉懷詩三十字而司農不及見矣百神昔受職帝命當典禮司農

典試百粵時官祭酒舟入滇陽峽夢峽口高懸百神受職金書四大字衆以為位當至大宗伯云何宰

相材未蹠尙書履魂歸定天上文昌近垣紫應憐粵兩

生奏令掌圖史吳石華學博儀墨繫我道力淺仙佛未

根柢雖與後死文敢作先生誄招魂託豹狸肅告薦蘭

芷

哭王慈雨吏部

飲豪消海氣交重託山情尙憶肝腸熱能禁涕泗傾宰

官觀現在佛子指前生一片幾媚月應無猛虎行慈雨臨終

自悟前身義
山下一頭陀

堂坳

努力風翻樹傾心雨洗荷鶴聲上天少海氣走雲多富
歲占絲穀荒齋開鴨鶩堂坳成一笑秋水長文波

學使者按臨諸廣文連日招遊宜園雅集二首

乍識宜園勝東南占一隅佛緣在金粟僧話亦江湖

園爲

兩浙會館別墅面堞散花室心齋燒符厨藏風池上起吾欲釣
銀鱸

我輩招携熟重來款竹關入林如出郭有水可無山巖
菊屏間影池荷鏡裏顏應憐食肉相同感鬢毛斑

九日獨遊湖山歸途遇廖寅谷茂才翌日作詩簡之

亭高磴曲下遲遲紉舊丹新又一時別後山疑真面改適逢人是夙心期世間合藥昇雞犬天上司文策豹狸

一瓣香從仙吏藝知君遊亦爲尋詩

湖山新蓋藥王殿舊有梓潼帝君座

哭女阿馨

女適廣福鄉鍾廷成七載而廷成病卒一女甫五歲以其從兄之子爲嗣今歲

十月十五日嬰疾卒嗣子尙幼而一女亦未嫁也計守節十一年創得旌

汝昔爲寡鵲時年二十四我時客海陽吞聲劇酸鼻汝今化杜鵑相距十一載我又官潮陽舉目無親在汝爲未亡人嗣子汝能撫煢煢漆室燈恤緯爲嫁女女今尙

未嫁兩小將誰依汝魂定慘傷我又不能歸尊章不逮
事事夫我所知侍疾一千日跬步不敢離汝母未令知
我自摧肝腸去年我生朝汝來奉乳羊

讀白華草堂詩

古藉集卷三

已亥

鎮平 黃釗 穀生

卽事呈雲龍同年

鄉校何堪毀訛言竟召災事同飯子決人望葉公來豐
草新霜殺寒花舊日氣陽和藏生意及早促春回

西舍八詠

屋初葺筮易得中孚之二闕門如戶顏曰鶴孚

同人慎二三中孚喜二五鶴集非鶴集澤戶乃桂戶

入門洞然塔峯露頂客曰是文祥也顏曰文祥館

有意無意間不即不離際需言是文海佛云是標意

北窗棟櫺冬來結實塙荆經直蔭以雜竹名曰種
龍養鳳之窠

養鳳有羽毛種龍明頭角思為百生計壘此一窠樂

短僅二人同處一室似意偶然水而亡名其居曰

銀鹿恭處

皎皎雙銀鹿群友相親處以蒿川無飢得食不離齕

東軒一室蕭然名曰樂無事處

喜事回非宜畏事亦無善先生老於事深知無事樂

階東西縮而南北贏中界一門以象方也仿碑版

書其眉曰玃玉

體長而用方知自乃守黑出入比範圍君子有玉德

歲得和九十石於時東南隅一室名曰養雞廉

舍

軒鶴避雞羣雞亦能矯之蓋際大倉粟自豚閒階粒

西北隅夾道作小室名曰櫻筍廚

名爲櫻筍厨厨常煮其菜多蔬三白亦有其猪肉

三月三日集東山

朱樓擁屋雪白塔入紅簾

泉亭角盡溜崩雨如注

馬作齋綠豈坐僧茅
綠叢攔此珊瑚樹巨富
來年甲申二八年光赴新
醉醒鐘魚自朝暮天海
一

姚貞女詩

貞女浙江山陰人父
慧工書善書示羅冠以
容已巳秋女兄文深先
母至署年十五矣其八
悲甚未幾病強之食不
食予之藥不飲母就聞

之喟然曰兒其死矣向所以不死冀爲母也兄
遠適嫂姓輩皆不在側女卽死恐萬母心今兄
迎母就養女之願慙矣願從金氏于地下兄
知不可奪勸之長齋繡佛以奉母女曰余非不
欲然也恐他日情隨境遷久而不能自信也願
歸骨於金得合窆焉已矣呼女溪山事於楮
復以指印其上并乞畫師爲小像焉二於金遂
卒時嘉慶十五年十月初四日適貞女姓自
存茂才囑余詠其事

雲黯蒼梧古別離貞妃血淚點湘枝如何臨薨金天氏

又見瓊棺送翠嫵

奉母依兄沂上猶援琴鬢髮藉忘憂芙蓉江上眉蘭漿
誰識中河操柏舟

幼婦碑詞踵孝娥女貞生恒續絲蘿庭前翠柏巖前石
別字還應問八哥

璧月華年永絕望金魚紅桂漫思量姮娥不_一終非計
靈藥偷生恨轉長

芝_一龍一幃薄籠紗_其天恨雲華是薜蘿羞說播遷李清照
捲簾人瘦比黃花

班傳文成小妹觀長齋繡佛罷尋歡纖纖指印桃箋透

好當麻姑爪跡看

三月十八日集白牛巖

招提掛牛腰清冷山牛目藏經五千卷未足挂牛腹元
碑似達官蒼鬚滿幅天關無守者怪石虎豹伏初日
照海門東南氣寒綠龍津詎牛涔一白疑可掬當時騎
龍人來此桑下宿吾徒遠足寄幽勝厓谷洞已無佛
尊山覺有僧俗行厨携燕蔬風吹同苜蓿出山仍在山
筍與許往復捫星怕騎馬誰愛驅犢

四月廿一日再遊白牛巖

如猿引臂磴盤蛇似蟻緣脂室吐蝸一隊筍與梯壁上

可容同載白牛車

豕腹彭亨一洞開衡山道士未同來
竈邊石鼎巖邊水想見攤衣坐綠苔

金頂鐘聲落翠微松間珠露淨朝暉
欄模認得蓮峯石無數漁舟打獺圍

天門雙闕引朝真想像靈樞耀紫宸
誰道玉清安仄陋土階三尺禮星辰

鑿石如開混沌眉總經原有點頭時
長清慧苑三生悟

不說因緣但說詩

石上多鈎詞則
若和此仙韻者

洞中仙鼠枕中雞說夢人多境易迷

鮮鹿後郎石上
容人出起俗人多

於此神夢堪笑中嵩狂廟祝手持盃琰導昌黎余前至此地廟祝亦欲導

帝座尊嚴竝佛龕道人香火代羅蠡石巖古刹未有僧住夜涼新

見書燈上洞口應顏老學菴東巖有屋三楹土人多以此讀書

清遊我已再登攀老馬知途倦往還愛聽群公話鄉曲

浙東潮勢浙西山蔣稻菴胡畫堂樓百存皆浙東西士

四月廿六日雨中邀蔣稻菴胡畫堂菴姚百存

崇祿集東山紫雲巖僧房卽事

舊雨復今雨入雲看出雲酒如禪味悅茶亦妙香聞舄

屐海頭溪棹山山脚粒儒風同衲素款客少頽華

曲水流觴處飛身奏篋琴何人走東道此地即山陰即
經幼與志江湖少伯心越中賢俊在吾欲道黃金

雲扶甥

仲鵬

來潮陽讀書告歸將偕其伯兄孟鴻

應秋賦作此送之

一官吾吏隱渡海近相尋爲門昌黎化因承正始音種
龍欣露角養鳳識霞心余新開西門額曰種龍有子能
如爾應教喜不禁

似舅何無忌生兒孫仲謀大雷報新札小雨送輕舟行
色紅橋驛前程碧海秋鴻鵬同日舉萬里快翔遊

五月廿五日陳基華茂才集同人西巖

龍首牛腰次第攀清遊月月向禪關櫻珠榴瑤誇多寶
又簇籃輿上塔山

僧國詩盟孰主持宗風曾授藥山師朗州歸後空雲水
可有人談李習之

海眼潛通井應潮不須淘洗問參寥茗旗一陣清風過
又聽午鷄啼客寮

鰕鮑門生夙議成齋厨休闔五侯鯖尋常貓筍同鷄蕈
法饌偏傳護世城

練江一白近浮杯紫翠青紅海色開漫道東巖好溪洞
此山還有祖師苔

夏杪有羊城之役途中寄懷雲帆同年

生平斬蛟手不分衣儒衣直道無夷險閒官有是非天
寬飛鳥界水窄釣魚磯客路經行慣清吟興不違
我法原迂拙人情喜變通時宜都不合心跡畧相同看
劍觴飛白攤書燭剪紅難忘官閣話坐到漏三終

月夜宿珠寶石

七月十三夜

濺珠穿一竇泄雨復蒸雲客睡涼難得泉鳴細亦聞綠
蘿風動幕碧簾水生紋石氣林香互微吟到夜分

安東孫小薌明府

藥

以名進士出宰長樂因王慈

雨吏部知余名已亥七月遇於羊城邀至禺山第

一樓小集卽事

紆縞先從夢寐投何因覆鹿得盟鷗且徵淮海無雙士
同上禺山第一樓楚雨荒涼悽斷笛時慈雨下世已二年矣粵風
靡曼喜盲謳使君好爲蒼生起時將起病人都談到奇才淚共
流

中秋後一日李西耘天任陳敬山興禮招諸同年

聚粵秀山三元宮卽事

仙宮啟嬾嬾窻戶亘金碧山嵐染尊爇海色浮几席道
人想初平孫清譚喜豪客當年咏霓裳玉兔記同日海
雪戲羣鴻復此留爪跡瓊笙上界聞仙饌行厨設青童

同金壺但覺飛觴疾清景良難暮高會豈易得一昨聚
仙湖欸扉叫奇絕風雨合羅浮大笑縱浮白余初至省垣未暇訪
諸齊年一日大風雨至仙湖街思避雨因叩洗鄉雲同
年寓齋欸扉見諸同年皆在座始知鄉雲與鍾輝山會
諸同年於此集飲遂吾儕半疎野所喜在通脫仙官縱
入席暢飲盡醉而散
高貴朝天尙袍笏何如躡屩人登山始磬折眼中花塔
孤境外苔岑結登山復下山海天霞一抹

禺山酒樓卽事

忙裏同抽半晌閑萬錢下箸不容慳梨花餉客傾三石
桂樹留人占一山雪壁雲窗流窮麗崑奴波女肖癡頑
泰西畫境禺東屋竹醉蕉迷莫盡刪

牟城晤蔚林同年別後寄憶

三十年餘老弟兄依然心跡共冰清
人輕冷宦非炎局我喜閒官有令名
江上白魚同下釣山中黃犢自春耕
蒼顏肯爲蒼生誤且與梅花守舊盟

次韻奉酬孫小薌明府

昌黎愛東野願爲雲龍逐雄文本如潮
虛懷乃若谷我裁孫江東策對崑山玉
帝命來炎隄郎官應列宿飛鳬躡朱舄
畫熊假丹轂

代理梅州刺史事

培風

書院名

盼扶搖化

兩聞長育梅州擢秀翹李生載最淳穆一朝報領解到
耳名姓熟維公賞識真不負再三告此君殊妙才翰苑

當可卜繫余近頽唐何因荷傾屬拊今尙沉吟望古費
遐矚舒舒淮水頭絲絲海山麓當今魯仲連蘭人盡仰
高躅云何王景畧雨天遽奪之速以我續舊盟毋亦貂
不足琴匪爨下桐笛異柯亭竹況今齊廷竽非昔燕市
筑公何愛之深一詩必三復瀹茗舒君眉煮筍出天目
賁隅八桂林開罇漉金粟宰官自在身酸鹹嗜殊俗好
客故自豪說士抑何篤居然昌山人三薰而三沐形骸
已脫畧談笑不局縮古風詎無存今雨仍可續長煩飲
啄呼未向樊籠觸暖冬雨鳥鳴藉以通款曲

半城喜晤家菽田

慶澄

半畊

志淳

昆季別後奉懷

兼寄霽翁子未

我昨來羊城君適趨象郡

余七月至羊城蔽袖王潮陽
四時奉檄往粵西

書珠玉綴芳訊君歸喜把晤十載換髮鬢

人事共遲鈍惟餘詩卷豪脫手未慳吝

鹽官本近鹽君乃喜食淡海峯拚朝霞俯視水色黠場

丁半谿子屢畚雜莠焚誰言利可漁欲謂名可噉且自

食蛤蜊間與味橄欖

詩名與官職雙好惟伯子

霽翁

爾來主駕湖饌箸多且旨

當時酒座尊鱸溪靜煙水水湛清華

韓江池名有
霽翁送青水樹

題送青日未已予懷渺如何美人託蘭芷

仲君好殊儻逸高樓快呼酒
鬢語調妖姬醉墨和老守
老屋菖蒲涇歸逾十載久
頗聞生事拙留未佳百負詩
人春氣多其言可以壽

季也半畊隨宦來對牀數風雨疎散中性耽吟不辭苦
繁余忝弟昆團坐共鷄黍年來春令重借君家補少
聚忍又離相思惻肝膈

東江曉發

子潮初動石鷄呼碧澗沉沉伺火鳥
半尺銀九千頃玉
一川煙采媚魚珠

樽乘東望曉霞烘火齊
珊瑚間綠紅難怪蜚瑤誇得寶

一丸朱橘鑄離宮

紅牆百堵白煙迷見說司空望達奚萬古眼穿同望帝
杪櫺樹上矜禽啼

蠟田耕種蜺塘居網塹重重鹿角潭昨見杭頭仿朱雀
已知軍政蕭宵漁

濬口船來已落潮虎門一塔尙孤標勾連坐着屠龍手
好語鰻鱸莫浪跳

河源道中

沙際鴛鴦水天邊玳瑁霞小春寒旋暖老樹葉非花晚
翠煙眉擁遙青雪爪斜豬兜艇名牽竹繚一笑比浮槎

重宿珠寶石 十月廿七夜

山靈應喜我詩思抹微雲
雙堦寒燈出孤篷夜雨聞新
泉鍾石乳舊磴澀苔紋
又向煙林宿宵長好夢分

悼徐鷗南

嵩

里社從遊汝最先何堪賁志入重泉
身爲許武傷乾蔭文似揚雄歎坎遘
尙冀生徒傳夙學劇憐稚子抱遺編
當時銘墓從哀乞

鷗南尊人兩樓前年病逝曾乞余銘其墓

兩世悲風祗隔

年

官塘夜泊

船火同人息灘聲獨汝勞
枕邊數星小篷背一峰高
冷

官中乍遇寒雞子
夜疏涼表起慙慙
小淺少驚濤

早發官塘晚抵松口泊得詩六首

晨光初動霧橫飛
離石清言聽轉微
待知終泊紅日上
一江新水浣羅衣

梅塘十里接花洲
扁帶何人繫晚侯
蓬底一雙秋水眼
鎮教天際數歸舟

西洋碎石激風湍
青草迴塘戲翠鷗
一月黃雲收割盡
得人堆到晒禾灘

兩山翕翠水霏藍
一鏡沉沉鱷骨潭
我與昌黎九奉祀
敢從大士乞魚籃

遠岸斜陽古樹根灘沙高出舊時臺
又逐墟船出丙村

小河一水合松江曲折奔流匯急瀧
恐有三人緘尺素
夜習珍重鯉魚雙

下蓬辣灘

蓬瀛下輕舟奔騰一槩迺山情助收縱
力併剛柔巨
嶂排熊掌清流漾鵬頭茶甘梅豆上泉味合潮州
蓬瀛上
為梅州界下
屬茶陽界

三河頃

土城藏宿霧水市出平沙賣肉搭船戶
巡鹽包蟹水雙

流寒抱玉一閣冷飛霞
劇劇安閑甚高眠少事
徭

夜宿葛布塘

推篷看夜氣沆瀣合冰壺雲水近
知狎星辰高不似囊珠非粵賈
匣劍有昆吾山海毋多禁川原漸畏途

坡公生日胡書堂招同人
小酌
拜笠屐像用聚星堂雪韻

盤中嘉橘綠帶葉簋中湯餅白
於雪莊襟老帶寫從容

笠屐重摹看肖絕
王了初
緒微
桃榔盃偏僂上階

先磬折新居鶴峯轉
眼多舊迹
人試酒卮仍招

數子陳狀牒奚煩六丁鑿
冰石
黃綢裹箱
裁絳帛

垂檐綴花纈布筵好事意酒寒促坐清譚勝罪有大門
冬酒幾回熟七百年來之小警當時子野歲寒至此却
有人尙能說東坡先生時在寒堂十二拜公好過十二
石坐我從吹尺八鐵

兒曹從前樂後一鴈鳩百存見而悅即以奉贈

闕策待養母所居室名曰種龍養鳳之巢云拙

乃能勤開樓而孝嘗說兒曹母

爲存弟科出之弟科出爲實無慚鳳兮

未可求三息軒鶴此漁環爲求友行當出

之幽特龍鵲鳴相咄

書堂以稻蟹蜜柑遶東蝦瓜山東葱見餉爲餽歲
也復伴四詩如數答謝

身在江湖沫飽霜精神滿腹自含黃卿眞解事余雖介
把臂同教入醉鄉

作苦猶然號木甜歲寒時節許分甘多餘豈藉王丞相
自樹千頭在廣南

鷓筍鱸莼味最投聖壘蜜啣豈珍羞由渠水族加恩簿
還向東陵伴故侯

北門交謫昔如何肯聽糟糠怨老坡多謝東方和事州
邇來菌妾未妨多